




Republika ng Pilipinas

# Kagawaran ng Edukasyon

Rehiyon Administratibo ng Cordillera

SANGAY NG MGA PAARALAN LUNGSOD NG BAGUIO



1 Agosto, 2022

MEMORANDUM PANSANGAY

Blg. 227, s. 2022

## PAGDIRIWANG NG BUWAN NG WIKANG PAMBANSA 2022

To : Pangalawang Tagapamanihala ng mga Paaralan  
Hepe ng Kurikulum/ Pampaaralang Pamamahala  
Pandibisyong Tagamasid  
Pandistritong Superbisor sa Pampublikong Paaralan  
Pampublikong Punongguro ng Paaralang Elementarya at Sekondarya  
Pampublikong Guro sa Elementarya at Sekondarya  
Lahat ng Kawani ng Dibisyon

1. Alinsunod sa itinakdang Pampanguluhng Proklamasyon Blg. 104, s. 1997, ipinagdiriwang natin taon - taon ang Buwan ng Wikang Pambansa na may tema ngayong taong ito na, "Filipino at mga Katutubong Wika:Kasangkapan sa Pagtuklas at Paglikha,"
2. Sa hangaring makiisa sa taunang pagdiriwang na ito, ang Sangay ng mga Paaralang Lungsod ng Lungsod ng Baguio katuwang ang Sangay sa Implementasyon ng Kurikulum (Curriculum Implementation Division) ay magsasagawa ng mga paligsahan (Ang talakdaan ng mga gawain ay nakapaloob sa Enklosyur blg. 1)
3. Ang layunin ng gawaing ito ang sumusunod:
  - a. Mahikayat ang iba't ibang ahensiyang pampamahalaan at pampribado na makikiisa sa mga programang tulad into na nagpapataas ng kamalayang pangwika at sibiko;
  - b. Mapaigting ang paggamit ng wikang Filipino sa pamamagitan ng pagpapaunlad ng mga akdang pampanitikan; at
  - c. Makapapalalim ng pagmamahal sa pambansang wika — Wikang Filipino.
4. Kaugnay nito, inaanyayahan ang lahat na makiisa at lumahok sa mgapaligsahan. Ang lahat ng lalahok ay isusumite sa pamamagitan ng *video*. Ang petsa ng pagpapasa ay sa ika - 25 ng Agosto, 2022, simula ika-7:00 ng umaga hanggang ika-5:00 ng hapon, samantala ang pag-aanunsiyo ng mga nagwagi ay magaganap sa ika-30 ng Agosto, 2022, saganap na ika- 1:00 ng hapon sa pamamagitan ng zoom. Ang link ay ibibigay isang araw bago ang palatuntunan.
5. Hinihiling ang maaga at malawakang pagpapalaganap ng Memorandum na ito.

**FEDERICO P. MARTIN, EdD.CEdD, CESO V**  
Tagapamanihala ng mga Paaralan,Lunsod Baguio



"DepEd SDO Baguio City: We Serve, We Care."

Address: 82 Military Cut-off Road, Baguio City  
Telephone/Fax: 074-442-4326 / 074-442-7819 | Email: [depedbaguiocity@gmail.com](mailto:depedbaguiocity@gmail.com)  
Website: [www.depedpines.com](http://www.depedpines.com) | Facebook Page: [facebook.com/DepedTayoBaguioCity](https://www.facebook.com/DepedTayoBaguioCity)



ISO 9001:2015 Certified  
Quality Management System  
CRN RU-19.2560.026  
Issued on 12/27/2019





Republika ng Pilipinas

# Kagawaran ng Edukasyon

Rehiyon Administratibo ng Cordillera

**SANGAY NG MGA PAARALAN LUNGSOD NG BAGUIO**

**Enklosyur blg. 1 MEMORANDUM PANSANGAY Blg. \_\_\_\_ s. 2022**

## **A. MADULANG SABAYANG PAGBASA**

1. Bukas ang paligsahan sa lahat ng Kawani ng SDO Baguio.
2. Inaasahang ang bawat dibisyon na may 15-20 kalahok.
3. Ang mga kalahok ay ay bumubuo ng sumusunod:
  - a. SGOD
  - b. OSDS
  - c. CID
4. Isang pyesa lamang ang gagamitin sa madulang sabayang pagbigkas
5. Pinahihintulutan ang paglalapat ng himig,tunog, o awitin at ang pagkakaroon ng koryograpi.
6. Mahalaga sa madulang sabayang pagbasas ang tinig, bigkas, pormasyon ,blaking ,ekspresyon imahinansyon interpretasyon damdamin,tamng pagbigkas at larawang-diwa.
7. Lima (5) hanggang pitong (7) minuto lamang ang oras ng pagtatanghal ng madulang Sabayang Pagbasa.  
 Bawat lalabis na minuto ay kabawasang isa 1 puntos na tatamuhin mula sa hurado.
8. Tatanggapin ang anumang kasuotang angkop sa pyesa ng Madulang Sabayang Pagbigkas.
9. Final ang desisyon ng Hurado.

## **PAMANTAYAN SA MADULANG PAGBASA:**

	<b>BAHAGDAN</b>
<b>1. Interpretasyon</b>	<b>50%</b>
<b>2. Orkestrasyon ng tinig</b> (Pagkakahalu-halo ,pagkakasabay-sabay,pagbuo,lakas, taginting, tempo,uri ng tinig at kaangkupan sa diwa ng pyesa..) <ul style="list-style-type: none"> <li>• Koryograpi(kilos,galaw,kumpas,blaking).....10%</li> <li>• Kaangkupan ng ekspresyon ng mukha.....10%</li> <li>• Sangkap na Teknikal kaangkupan, tunog,awitin 5%</li> </ul>	<b>25%</b>
<b>3. Panghikayat sa madla</b> <ul style="list-style-type: none"> <li>• Katauhan/personalidad 10%</li> <li>• Hikayat 5%</li> <li>• Kasuotan 10%</li> </ul>	<b>25%</b>
<b>KABUUAN</b>	<b>100%</b>



"DepEd SDO Baguio City: We Serve, We Care."

Address: 82 Military Cut-off Road, Baguio City  
Telephone/Fax: 074-442-4326 / 074-442-7819 | Email: depedbaguiocity@gmail.com  
Website: www.depedpines.com | Facebook Page: facebook.com/DepedTayoBaguioCity



ISO 9001:2015 Certified  
Quality Management System  
CRN RU-19.2560.026  
Issued on 12/27/2019





Republika ng Pilipinas

## Kagawaran ng Edukasyon

Rehiyon Administratibo ng Cordillera

SANGAY NG MGA PAARALAN LUNGSOD NG BAGUIO

### B. MASINING NA PAGKUKUWENTO

1. Bukas ang timpalak sa mga mag-aaral na nasa kinder hanggang ikatlong baitang.
2. Malayang mamili ng piyesa ang tagasanay na ikukuwento ng kalahok.
3. Tatagal lamang ng 2 hanggang 4 na minuto ang pagkukuwento.
4. Malayang mamili ng anumang kasuotn ang magtatanghal. Sigurduhing ito ay disente at naaangkop sa kuwentong napili.
5. Final ang desisyon ng Hurado.

\*Isa lamang ang kalahok sa bawat distrito.

### PAMANTAYAN SA MASINING NA PAGKUKUWENTO:

PAMANTAYAN	BAHAGDAN
1. Pagpili ng Kuwento	10%
2. Pagsasalita	15%
a. Uri ng tinig 5	
b. Pagbigkas 5	
c. Balarilla 5	
3. Pagbibigay Kahulugan o interpretasyon	50%
4. Personalidad o kakayahan sa Pagkukuwento	10%
5. Hikayat	15%
<b>Kabuuan</b>	<b>100%</b>

### C. SPOKEN POETRY:

1. Ang timplak ay bukas sa lahat ng mag-aaral sa baitang 7 hanggang 10.
2. Lilikha ang mag-aaral ng Spoken Poetry na kanyang bibigkasin.
3. Ang tema ay, “Napagtagumpayan ang mga Hamon sa Aking Pag-aaral sa Panahon ng Pandemya” (Tauhan, isang mag-aaral na napagtagumpayan ang lahat sa kabila ng hamon ng pandemya.)
4. Maaaring lapatan ng tunog habang bumibigkas ang kalahok.
5. Hinihikayat ang paggamit ng kasuotang disente at angkop sa piyesang bibigkasin.
6. Final ang desisyon ng Hurado.

\*Isa lamang ang kalahok sa bawat distrito







Republika ng Pilipinas

## Kagawaran ng Edukasyon

Rehiyon Administratibo ng Cordillera

**SANGAY NG MGA PAARALAN LUNGSOD NG BAGUIO**

<b>PAMANTAYAN</b>	<b>BAHAGDAN</b>
1. Nilalaman Kakayahang maipahayag ang mga saloobin at kaisipan ng napiling tauhan.	10%
2. Pagbigkas <ul style="list-style-type: none"> <li>• Wastong pagbigkas ng mga salita.</li> <li>• Tono, lakas at linaw ng boses</li> <li>• Pagbibigay diin</li> </ul>	50%
3. Paraan ng Paglalahad <ul style="list-style-type: none"> <li>• Anyo</li> <li>• Tindig</li> <li>• Kilos</li> <li>• Paggamit ng angkop na musika</li> <li>• Tiwala sa sarili</li> </ul>	40%
<b>Kabuuan</b>	<b>100%</b>

### D. PAGBIGKAS NG TULA

1. Ang timpalak ay bukas sa lahat ng guro sa Elementarya at Sekondarya ng Dibisyon ng Lunsod Baguio.
2. Ang tula ay iikot sa tema ng buwan ng Wika, "Filipino at mga Katutubong Wika:Kasangkapan sa Pagtuklas at Paglikha,"
3. Ang pagbigkas ay tatagal lamang ng 2 hanggang 4 na minuto.
4. Ang kasuotan ng kalahok ay angkop sa piyesang bibigkasin.
5. Final ang desisyon ng Hurado.

\*Isa lamang ang kalahok sa bawat distrito

PAMANTAYAN SA PAGBIGKAS NG TULA:

<b>PAMANTAYAN</b>	<b>BAHAGDAN</b>
1. Tiwala sa Sarili	10%
2. Lakas ng Pagbigkas	10%
3. Pagkasaulo	30%
4. Linaw ng Pagbigkas	25%
5. Ekspresyon, kilos at kumpas	25%
<b>KABUUAN</b>	<b>100%</b>



"DepEd SDO Baguio City: We Serve, We Care."

Address: 82 Military Cut-off Road, Baguio City  
Telephone/Fax: 074-442-4326 / 074-442-7819 | Email: [depedbaguioicity@gmail.com](mailto:depedbaguioicity@gmail.com)  
Website: [www.depedpines.com](http://www.depedpines.com) | Facebook Page: [facebook.com/DepedTayoBaguioCity](https://www.facebook.com/DepedTayoBaguioCity)



ISO 9001:2015 Certified  
Quality Management System  
CRN RU-19.2560.026  
Issued on 12/27/2019





Republika ng Pilipinas

## Kagawaran ng Edukasyon

Rehiyon Administratibo ng Cordillera


SANGAY NG MGA PAARALAN LUNGSOD NG BAGUIO

### PIYESA SA SABAYANG PAGBASA

WIKANG FILIPINO SA PAMBANSANG KALAYAAN AT PAGKAKAISA.

Ni Patrocinio Villafuerte

Sa bawat panahon  
Sa bawat kasaysayan  
Sa bawat henerasyon  
May palawakan ng isip  
May palitan ng paniniwala  
May tagisan ng matuwid  
Maging ito'y magbunga ng tuwa, ng lungkot, ng galit  
Sila-sila'y nagtatagpo, kayu-kayo'y nagpapangkat  
Isang diwa ang nagpasya, isang wika ang ginamit  
Wikang Filipino! Wikang maka-Diyos, makabayan, makatao  
Wikang naglalagos sa isipang makabansa  
Wikang nanunuot sa damdaming makalupa  
At paisa-isang dila, parami-raming labi, sama-samang tinig  
Bumubulong, sumasatsat, humihyaw, nagngangalit  
Hinihingi'y Kalayaan! Katarungan! Kalayaan! Katarungan!  
Hanggang saan susukatin?  
Hanggang kalian bubuhayin?  
Hanggang kalian maangkin?  
Layang mangusap, laying sumulat  
Layang mamuhay, laying manalig  
Layang humahalakhak, laying mangarap,  
Layang maghimagsik  
Maghimagsik! Maghimagsik! Maghimagsik!  
At, parang isang pangarap, parang isang panaginip  
Kasaysayan pala'y mababago isang saglit  
Sa dakong silangan... doon sa silangan  
Ang sikat ng araw... sumilip, sumikat, uminit  
Sari-saring mukha, magkakabalat, magkakadugo, magkakapatid  
Sama-samang gumising, magkakapit-bisig, nag-alsa't tumindig  
Lakas ng tao! Lakas ng bayan! Lakas ng daigdig!  
Laban sa tirano, sa gahaman, sa mapanupil, sa mapag-lupig  
Bata't matanda, propesyonal at di propesyonal  
Manggagawa, kawani, guro, mangangalakal  
Mangingisda't magbubukid, pari, madre, iskolar  
Sundalo, pulis, drayber, estudyante, istambay  
At, lahat-lahat na  
Sa sama-samang tinig, sa sama-samang lakas  
Nagkakaisa, nagkasama  
Nagkasama, nagkaisa  
Mga bagong bayani ng Bagong Republika  
At...  
Wala nang dapithapon  
Wala nang takipsilim  
Wala nang lungkot, takot, luha, dusa't hinagpis  
Walang nang tanda, ng dusting pagkalupig  
Bagwis ng ibong dati'y pinuyian sa tinid ng galit  
Ngayo'y nakalipad na... umaawit, humuhumi, umaawit  
Dahil Malaya  
Dahil sa Wika  
Dahil sa Lakas



A  
T  
W





Republika ng Pilipinas

## Kagawaran ng Edukasyon

Rehiyon Administratibo ng Cordillera

**SANGAY NG MGA PAARALAN LUNGSOD NG BAGUIO**

---

Bagong kalayaa'y naririto ngayon  
At nakamit natin nang buong hinahon  
Ni walang digmaa't pinapanginoon  
May mabuting nasang taga sa panahon  
At kung sakaling magbalik muli  
Ang kasaysayang hininog ng isang madilim na kahapon  
Muli, ang paisa-isang dila, ang parami-raming labi  
At sama-samang tinig  
Ang sari-saring mukha, magkakabalat, magkakadugo't magkakapatid  
Sama-samang gigising, magkakapit-bisig aalsa't titindig  
Lakas ng tao! Lakas ng bayan! Lakas ng daigdig!



"DepEd SDO Baguio City: We Serve, We Care."

Address: 82 Military Cut-off Road, Baguio City  
Telephone/Fax: 074-442-4326 / 074-442-7819 | Email: [depedbaguiocity@gmail.com](mailto:depedbaguiocity@gmail.com)  
Website: [www.depedpines.com](http://www.depedpines.com) | Facebook Page: [facebook.com/DepedTayoBaguioCity](https://www.facebook.com/DepedTayoBaguioCity)



ISO 9001:2015 Certified  
Quality Management System  
CRN RU-19.2560.026  
Issued on 12/27/2019